

URRUÑA Ibardin

Distantzia 8,6 km	Desnibela 360 m	Iraupena 1h30	Tipologia Itzulia	Zedarriak Hiruki horiak - Mendiko bizikleta
-----------------------------	---------------------------	-------------------------	-----------------------------	---

Urruñatik (A63 autobideko 2. jalgibidea), hiri inguruko biribilgunean, Ibardingo lepora eta Azkainerako norabidean segitu (D4). 3,5 km urrunago, D4 eta D404 arteko bidegurutzean (Ibardingo leporako errepi-dea), ibilgailua eskuineko aparkalekuan utzi (kapera), okindegiaren parean (aduana zaharra).

GPS datuak: **UTM : 606401 5 4798717 Lat/Long : 43.33376/-1.68748**

Bere bentengatik preziatua eta bizikletarien artean famatua, Ibardingo lepoaren igoaldia ez zaie beribilei eta errepideko bizikletei bakarrik zuzendua. Ibilbide honek mendiko bizikletendako bide bat proposatzen dizu, mundrunetik urrun. Bideketatik hasiera eder batek Xoldoko Gainako aintzirarako igoera bidera eramaten zaitu. Nahiz eta aski zuta izan 1,5 km-tan, erronka hori altxatu ondotik (errazki, pedalei eragiteko laguntza baldin baduzu), ibilaldia bukolikoa izaten da estatu-oihanetan. Ibardingo lepoa eta bere saltegiak bertan bazkaltzeko aukera izan daitezke, salbu segidan jaitsierarekin segitu nahi baldin baduzu. Bide oihantsu doi bat teknikoek Erleen lepora eramaten zaituzte; handik azken indar batek Airelekuko muino gaineraino eramaten zaitu. Larrunera eta itsasbazterrerako ikuspegia zoragarria da, Musugorri mendi gaineko azken jaitsiera bezala. Ibilbide goxoa, denentzat iragarria.



1. ZATIA > Arola ibarrera hurbiltzea

UTM: 606401 - 4798717

Herburuko bidegurutzetik (D4/D404), okindegiaren parean, kanpoan bazkaltzeko gune oihantsua zeharkatzen duen eskuineko bideak segitu. Laster, mundrunetzko bidea hartu eskuin aldera 50 m-tan (jaitsieran), eta segidan ezkerreara jaitsi lur gorriko bidean, metalezko atexka batez hetsia. Laster oihanetik ateratzen da eta kanpaleku baten gaineko mazelatik segitzen du. Erreka bat iragan ondoren (pentze hesia ezker), pareko bidexka segitu, haritz lodi baten azpian. Iratze artean jaisten da beribilez ibiltzeko bideraino; metalezko atexka iragan, zati harriztatua igo, eta mundrunetan jaitsi 50 m-tan. Gutun-kutxen heinean, ezkerreara joan bide berri batean. Bigarren errepide batera heltzen da, ezkeraldera hartu.

2. ZATIA > Xoldoko Gainako aintzirarako igoaldia

UTM: 605409 - 4798819

Errepidearen bihurtune batean (1,4 km), mundruna bertan utzi pareko bide harriztatua segitzeko (kanadar pasabidea eta "Urruñako herriko-oihana" seinalea). Arola ibarxkako igoaldia hemen hasten da, patar zut batzuekin 1,5 km-tan (%13 bana beste). Bideen elkargunera iritsi (3,1 km) aintziraren urtegitik hurbil: ezkerreko bidetik igotzen segitu, patarrak eztiagoak direla eta. Harritzko mahai baten ondotik iragan eta Oneaga gailurraren azpian, beste bidegurutze batera heldu.



3. ZATIA > Ibardingo leporako lotura

UTM: 605397 - 4797274

Oneaga lepoaren bidegurutzean (3,7 km), ezker-eskuineko bideak utzi eta zuzen ibili doi bat igotzen den bidean. Hurrengo bidegurutzean (4,05 km), haritz lodi baten oinean, zuzen segitu bide zabalean. Laster batean Donibane Lohizuneko badia erdikusi ondotik, ikuspegia Larrunera eta itsasbazterre-za zabaltzen da (4,7 km). Bideak kasik zabalean segitzen du, eta igoera labur bat Ibardingo lepoko benta gorenen azpian kokatutako bihurtune zorrotzera iristen da.

4. ZATIA > Ibardingo bentetatik Erleen lepora

UTM: 606348 - 4796339

Bidearen bihurtune zorrotzean (5,45 km), pinu bat-zuen azpian (bentak 150 m gorago dira), bidea bertan utzi, ezkerreara argiki jaisteko oihanean. Zuzen doan bidekan egon kasko borobildu oihantsuan (beste bide guztiak utziz), malkartsuagoa bukaeran. Beherean, ibarxka hondoko bidea segitu ezkerreara, errekatik hurbil (zati lohitsuak). Azkenean, bidea erreka ibetik iragaten da (6,15 km) eskuineko hegira pasatzeko. Argigunean, bide harriztatu nagusia segitu zure parean.

5. ZATIA > Airelekuko goi-zelaitik Musugorriko jaitsierara

UTM: 606676 - 4797284

Erleen lepoan (6,5 km), Ibardingo lepoko errepidearen bihurtune moztu eta pareko bidea hautatu, zirkulazioari hetsia (xeila). Pedala kolpe gutitan, lepo ttipi bat igo Aire-leku muinoaren sarreran (6,8 km): segidan ezkerreara joan igotzen den bide belartsuan. Goratasun batera iritsi (296 m) merezi duzun atsedena hartzeko. Jaitsiera panoramiko agertzen da, ozeanoaren parean. Y itxurako bidegurutzean eskuin hartu zuhaitzian, eta beherago lepoko errepidera heldu (7,9 km). Zuhurki zeharkatu (ikuspen guti) eta pareko bidexka jaitsi (teknikoa, harri mokor guneak). Errepidera itzuli eta, ezkerreara hartu aparkalekuraino.

INTERESGUNEAK

❖ Xoldoko Gainako aintzira (3,1 km)

Igoaldi zorrotz honen ondotik, atsedean hartzeko egokia den bidegurutzetik, interesgarria izaten da 50 m-z baztertzea eskuinaldera, lur muino batera iristeko. Orduan, Xoldoko Gainako urtegiaren gainean gara, Pirinioetako lehen erreken bilketa arroaren konfluentzian.

UTM: 604917 - 4797538

❖ Haritz lepatuak (3,75 km)

Bidearen justu ezkerrean, haritz baten itzalpean atsedean har dezakegu. Itxura misteriosuzko zuhaitzak: hantura bitxiak eta adar asko, enbor lodi baten gainean. Tokiko jendetza-belaunaldiek egindako mozte errepikatuen eta egur kentzeen ondorioz dute itxura hori.

UTM: 605441 - 4797248

❖ Itsasbazterrerako ikuspegia (7,05 km)

Musugorriko gainalde belartsuan, Aireleku goi-zelaiaren ondoan, ikuspegi eder batez goza dezakegu azken jaitsiera hasi baino lehen. Olhetako etxeak lehen planoko muinoetan kokatuak dira, itsasbazter-terak zerumuga marrazten duelarik: Donibane Lohizuneko badia, Biarritzeko Bihurtun Harkaitza, Angeluko hondartzak.

UTM: 606685 - 4797505

ARRETAZ IBILTZEKO LEKUAK

Jaitsierako bidexka zuzena Ibardingo lepoko errepidera heltzen da: hurbiltzerakoan abiadura moteldu, ikuspen gabeko zeharkatzea (zuhur ibili), eta harri mokorrez beteriko bidexka segitu

UTM: 606504 - 4798236

EKIPAMENDUAK ETA ZERBITZUAK

- Herburu, kanpoan bazkaltzeko mahaia

UTM: 606401 - 4798717

- 5,45 km

Ibardingo lepoa, saltegiak eta jatetxeak 150 m-tara, eskuin

UTM: 606503 - 4796062

Ibilbideen erabilbidea

ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan. Gisa horretan, Oinezko Ibilaldien Frantziako Federazioaren gomendioak jarraitzen ditugu.

Oso erraza: 2 oren baino guttiagoko ibilaldia. Familian egiteko arras egokia, bide ongi markatuetan.

Erraza: 3 oren baino guttiagoko ibilaldia. Familian egin daiteke. Bidexka batzuetan pasagune zailxeagoetan pasatuz.

Ertaina: 4 oren baino guttiagoko ibilaldia. Ibiltzeko ohitura duten ibiltarientzat. Batzutan kirol mailako lekuetan edo desnibela duten maldetan.

Zaila: 4 oren baino gehiagoko ibilaldia. Ohitura duten ibiltari

kirolarientzat. Ibilbidea luzea edota zaila da (desnibelatua, pasagune korapilatsuak).

MENDI BIZIKLETAKO IBILALDIAK:

Oso erraza: bide zabala eta gurpiletarako egokia; 300 m baino guttiagoko desnibela.

Erraza: gurpiletarako nahiko egokia den bidexka; 300m baino guttiagoko desnibela.

Ertaina: bidexka teknikoak, 800 m baino guttiagoko desnibela.

Zaila: bidexka oso zaila, 300 eta 800 m arteko desnibela.

DESNIBELA

Fitxetan agertzen den desnibela, igoera guzien gehiketa da.

IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da.

Kontuan hartzen ditu ibilbi-dearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoaren, turismo eta ingurumen irizpideen arabera (informazio gehiagorako: www.ffrandonnee.fr)

GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbi-dearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

Jokamolde egokiak mendi ibilaldietan

Ipar Euskal Herriko bidexketan ibili nahi bada, **natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.**

Abiatu aitzin, presta zaitez

- Ez zaitezela abia beharrezkoa den materialik gabe (mapa, ura, jantzi egokiak, etab.).
- Ez zaitezela bakarrik abia edo, hala eginez gero, hurbileko bati edo herriko etxeari jakitera emaiotzu (zenbait lekutan telefono sarrerik ez da eta ezin atzemana bilaka zaitezke).
- Erreketako ura ez ezazula edan eta ez zaitezela honetan baina.
- Eguraldiari buruz informa zaitez, erabat alda daiteke. Jakinean izan zaitez garai hauetaz: lur-erretze, ihizi, oihan-lanetako eta abar.

Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota ondorik ez ezazula bil baimenik gabe.
- Lekuan emana den seinaleetika errespetatu ezazu eta zaude bidexka zedarrituetan.

Laborantza eta artzaintza aktibitateak errespetatu itzazu

- Autoan ibil zaitez emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitezela ibiltzera joan zure zakurrarekin, bestela, loturik atxik ezazu.
- Xeila hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitez eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren gunetean bakarrik.

Zure hondakinen kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezaketel!

ZENBAKI BALIAGARRIAK

- Météo France:
08 99 71 02 64 edo 32 50
edo www.meteofrance.fr

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



ZURE IRITZIA GURE BIDEKKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeak aukera ematen digute. Gonbidatzen zaitugu edozein arazo edo ohar baliagarriak jakinaraztera: sentinelles.sportdenature.gouv.fr

HELBIDE BALIAGARRIAK

Euskal Elkargoko Turismo Bulegoa
Turismoko Harrera bulegoak:

- EZPELETA, karrika nagusia
+33(0)5 59 93 95 02

- SENPERE, pilota plaza karrika
+33(0)5 59 54 11 69

- AINHOA, karrika nagusia
+33(0)5 59 29 93 99

- SARA, Herriko Etxea
+33(0)5 59 54 20 14

-AZKAINE, Olhetako bidea
+33(0)5 59 54 00 84

- URRUNA, René Soubelet plaza
+33(0)5 59 54 60 80

Kanboko Turismo Bulegoa

Avenue de la mairie
+33(0)5 59 29 70 25

PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuetaz gozatzeko, harremanetan jar zaitez Euskal Elkargoko Turismo Bulegoaren turismoko harrera bulegoekin.

ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorriek jarraitu beharko zaizkie. Ibilbide fitxetan zehaztuko zaizu hori.

	PR® TOKIKO BIDEKKA	GRP TOKIKO IBILBIDE LUZEA	GR® IBILBIDE LUZEA	VTT BIDEKKA
Norabide ona	—	—	—	▲
Itzul ezker	↶	↶	↶	◀
Itzul eskuin	↷	↷	↷	▶
Norabide okerra	✗	✗	✗	✗